

觀  
物  
篇  
解

欽定四庫全書

觀物篇解卷二

明 祝秘 撰

皇極經世二

以會經運一 觀物篇十三

一元高拱體道以成乾道生一也二氣升降承天而位  
坤一生二也動靜互合周流六虛二生三也三則備矣  
盈於天地之間者為萬物故皇極三變止於以運經世

而吉凶禍福盡在其中蓋河圖十數天一為元屬乾地  
二為會屬兌天三為運屬離地四為世屬震天五為時  
屬巽地六為日屬坎天七為月屬艮地八為歲屬坤若  
九與十則卦所不及彷彿繫乎分秒之間而其數歸於  
一此康節所謂無體之一不用之一以況道也經運為  
地數者非測地也地上發斂分至之節生長收藏之  
政水火土石之利皆於三百六十運中求之然三百  
六十運者元之全體三十運者會之一體也會為地

數每會以三十運而終堯末年當第六會之終有  
滔天之災亦地數之窮也惟極之元兼十二會而  
後變故曰大哉乾元夫天不獨運必有順成之坤  
乃以剛柔太少應陰陽太少之感以水火土石化  
日月星辰之變以飛走草木和性情形體之倡以  
歲論之則每會一萬有八百年斂於月日時則月  
以一萬八百分為元日以一萬八百秒為元地雖  
大不遺微小隨物之洪纖高下而數行焉所以至

於用秒則一日中亦可為會之元也陰符經曰日  
月有數小大有定其是之謂歟

開物始月寅之中 經星之已七十六 比蹇  
泰

皇極總交以立數去交以為用大率每四分之而

去一用三所去之一是交也如一年有四時 體不  
變

時有四月 一月是氣  
節之交 月有四十日 十日是朔  
虛之交 夫總

氣餘為四月總朔餘為四十日而去其交只是三

百六十日是四月四十日去一而止用三也如易

有三百八十四爻去不用卦之爻數而止用二百  
八十八是去一而用三也太少陰陽剛柔之數三  
百五十二乃去八十八而用二百六十四是去一  
而用三也三百六十運去九十而用二百七十去  
一而用三也去一用三  
猶有閏數是故開物閉物於十二萬  
九千六百年中有九萬七千二百年於十二會中  
用九會皆去一而用三也由開物至閉物之年月  
得一元中四之三康節何以知其然哉以歲觀元

耳以日觀歲耳故康節曰物生於春者息於冬凡  
三月不用人作於日者息於夜凡三時不用是以  
知開物閉物之期去四之一也不惟是也皇極之  
數元會運世天之四體也歲月日時地之四體也  
天指乾而言  
地指坤而言天之四體以元經會以會經運以運  
經世而止矣無以世經年是去一不用也地之四  
體如以歲經月以月經日以日經時而止矣其下  
大細不可分無以時經分是亦去一而不用也然

天去世不用而為律呂聲音之大數地去辰不用  
而為律呂聲音之細數夫律呂聲音之數生物之  
數也乾坤各以其一不用之數為之亦猶一歲之  
中以日之十分閏數而生物故康節曰人物在天  
地間當閏餘之數也惟人物得皇極四象之世之  
數是以人物之壽不過四世之年而攝生之人得  
號地仙者不能逾十二世三百六十年也故人為  
百二十年之物<sup>四世</sup>犬馬為三十年之物<sup>一世</sup>朝菌蟪



蛄為一日一月之物木植臺宇雖壽於人而亦三百六十年十二世而已噫人物之囿於數如此超乎五行之外者果何如哉然開物始於入元之二會半當月之寅則三陽交泰之後驚蟄之中節二月建卯之初氣即天元玉冊所謂地數起於己卯者也若運中之七十六已疏其義於前矣而太極圓圖則七十六當豐之九四萬物豐大之時在卦氣圖則七十六當震之六三帝出乎震人亨物泰



天地之未合用未然之數元起於冬至之子會起於開物之寅運起於地建之丑若年月日為天地之已合用已然之數故卦氣圖元之元起於子於卯起世之元如三代子丑寅之異建建子者以子月為歲首建丑者以丑月為歲首建寅者以寅月為歲首次第相承各有所主張行成乃一例用卯建非是况世卦起於卯雖以世之元當冬至而又有天之氣始於甲戌而見於己卯之理其升蒙蠱

井又非起於冬至乃起於建戌之月張文饒已舉  
天元玉冊證之矣乃復以升卦居冬至未再思也  
生生同是天地之大德天生時而地生財乾元以  
一氣資始坤元以大朴資生故開物為地之元夫  
物者不特草木飛走之數凡盈於天地間有象者  
皆物也人配三才亦天地中之物也昔者二氣混  
合今陽升陰降高厚斯闢矣昔者溟淖無際今品  
物流形妙合而凝矣位於天地之中者蒙茸始現

故曰開物不曰生物而曰開物者是天地故有之物蓄於陰陽亭毒之中一性先天地而此物已存道降而有象此非自外来也時當三會老氏所謂

三生萬物者也

開物起十六乃卯寅中七之初氣也

經日之甲

一

經月之卯

四

經星之申

九十損至

經星之癸

一百二十漸坎

此一元中之第四會也

經日之甲

一

經月之辰

五

經星之甲

一百二十  
坎蹇至

經星之癸

一百五十  
比

此一元中之第五會也

經日之甲

一

經月之己

六

經星之甲

一百五十一  
比巽

經星之壬

一百七十  
明夷

此一元中第六會未盡二運之初也會經運之篇  
 於經月之寅不書元其下星之壬已前不書辰何  
 也元為天數會為地數故書會不必書元也星之  
 壬一百七十九下不書辰者五帝之世無紀籍可  
 攷難於書世故吾夫子序書自唐堯以下而已上  
 古三皇五帝之始存於朴略故康節先生亦不書

至星之癸而書甲子者為帝堯甲辰即位張本也

皇極經世三

以會經運二  
觀物篇十四

經日之甲

經月之己

經星之癸

經辰之子

甲子

一百八十會之世  
之世之世同人

二千一百四十九  
豐



康節觀物篇十干與十二支分布為天地之未交也自八元七十五運終而開物又一百五運始合書六十甲子天地之既交也此世書甲子非高辛之世乎夫一陽生于子至巳月而六陽備是半周天之月也運有三百六十此當一百八十運是半周天之星也辰有四千三百二十此當二千一百四十九是去半周天之辰纔三百六十年也於是而書甲子故明天地之已合亦為唐堯獨隆千古